

河南府志卷之六十

古蹟志六

宮殿二

隋洛陽宮

〔大業雜記〕宮城東西五里二百步南北七里正門曰則天門南去端門五百步則天門兩重觀觀上曰紫微觀左右連闕闕高二十尺

隋乾陽殿

〔大業雜記〕則天門內永泰門東西坐宿衛兵門內有乾陽門並重樓東西亦軒廊周帀門內有乾陽殿殿基高九尺從地至鴟尾高一百七十尺又十三間二十九架三陸軒文提鏤檻欂櫨百重窰拱千構雲楣綉柱華棖

碧櫓窮軒薨之壯麗其柱大二十四圍倚井垂蓮仰之者
眩曜南軒垂以珠絲網絡十不至地七尺以防飛鳥四面
周以軒廊坐宿衛兵殿庭左右各有大井井面濶二十尺
庭東南西南各有重樓一懸鐘一懸鼓刻漏卽在樓下隨
刻漏則鳴鐘鼓

隋大業殿 大業雜記 乾陽大殿北有大業門門內大業殿
規模小於乾陽殿而雕綺過之

隋文成殿 大業雜記 乾陽殿東有東上閣閣東又南行有
東華門門東道北有文成門內有文成殿周以軒廊

隋武安殿 大業雜記 乾陽殿西有西上閣入內宮閣西又

行有西華門出門西道

疑脫一北字

有武安門內有武安殿周

以軒廊

按大業文成武安三殿據記御坐見朝臣則宿衛隨入于其內宮人殿庭並種枇杷海棠石榴青梧桐及諸名藥奇卉東有大井二面濶十餘尺深百餘尺其三殿之內內宮諸殿甚多不能盡知

隋東宮

大業雜記入章善門橫街東百二十步有重潤門

東有東宮

隋元靖殿

大業雜記入明福門北行三十步有元靖門內

有元靖殿周以軒廊卽宮內別供經像之處

隋修文殿

大業雜記出元靖門橫街東行四十步有修文

殿

隋儀鸞殿

〔大業雜記〕寶城內有儀鸞殿殿南有烏桕林栗

林有葡萄架四行行長百餘步架南射堂對閭闔門〔通

鑑〕大業十一年有孔雀二自西苑飛集朝堂校尉高德儒
等奏以爲鸞於是百官稱賀詔於其地造儀鸞殿

隋觀象殿

〔隋書天文志〕宋元嘉中所造儀象器開皇九年

平陳後竝入長安大業初移于東都觀象殿

隋觀文殿

〔六典注〕隋於東都置觀文殿東西廂貯書

隋含涼殿

〔王世充傳〕武德二年四月世充矯侗策禪位幽

侗於含涼殿

按上諸殿皆在
洛陽紫微宮內

隋天經宮

詳在下

隋仙都宮

〔大業雜記〕建國門西二里有白虎門西二里至

苑城傍城行三里有天經宮南二里有仙都宮並置先帝

廟堂大業四年自京師遷東都造

隋亭子宮

〔大業雜記〕上春門東十二里有亭子宮宮南臨

漕渠東臨積潤池

隋景華宮

〔大業雜記〕建國門西南十二里有景華宮宮內

有含景殿及射堂樓觀

隋含景殿

見上

隋甘泉宮

〔大業雜記〕甘泉宮一名芳潤宮周十餘里宮北

隋甘泉宮

〔大業雜記〕甘泉宮一名芳潤宮周十餘里宮北

三

宮殿二

通西苑其內多山阜崇峰曲澗秀麗標奇其中有闐風亭
及棲霞觀行雨臺清暑殿殿南有通仙飛橋百尺澗青蓮
峯峯上有翠微亭遊賞之美於斯爲最大業元年春遷都
未成敕內史舍人封德彝於此置宮

隋清暑殿

見上

隋青城宮

〔方輿紀要〕西苑內青城宮隋齋宮也武德三年

世民攻洛陽軍于北邙世充陳于青城宮世民亦置陳當
之武德四年世民移軍青城宮世充自方諸門出憑故馬
坊垣塹臨穀水以拒唐兵爲世民所殿方諸門都城西出
禁苑之門也

隋明德宮

〔方輿紀要〕明德宮大業初建于禁苑中

隋總仙宮

〔大業雜記〕西苑內造山爲海周十餘里有方

丈蓬萊瀛洲諸山相去各三百步山出水百餘尺上有總

仙宮風亭月觀皆以機成或起或滅若有神變

隋曲水殿

〔大業雜記〕西苑曲水池有曲水殿上已禊飲之

所

按上自青城宮下
皆西苑內宮殿

唐洛陽宮

〔唐書地理志〕洛陽宮城名曰紫微城〔玉海〕洛

陽宮太宗幸者六高宗幸者十四武后號太初宮太宗爲
秦王時建德世充平置酒大會洛陽宮論郭孝恪之功又

召張儉見洛陽宮論遼西山川險易

〔會要〕貞觀三年太

宗將修洛陽宮戴胄諫上嘉之四年又修張元素諫卽停

之〔六典〕皇宮南面三門中應天左興教右光政應天內

曰乾元門興教內曰會昌章善光政內曰廣運明福乾元

左曰萬春右曰千秋其內曰乾元殿殿之左曰春暉門右

曰秋景門北曰燭龍門明福之東曰武成門其內曰武成

殿明福之西曰崇賢門其內曰集賢殿武成之北曰長壽

殿集賢殿之北曰仙居殿東曰億歲殿又東曰同明殿西

北出曰洛城西門其內曰德昌殿北曰儀鸞殿南出曰延

慶門又南曰韶暉門西南曰洛城南門其內曰洛城殿又

北園飲羽殿

方輿紀要唐武德四年平洛陽隋宮遂廢

貞觀中復治之永徽以後營繕益密其別殿臺觀在宮內者凡二十五所

唐乾元殿

會要武德四年使行臺僕射屈突通焚乾元殿

以其太奢顯慶元年敕司農少卿田仁汪修乾元殿麟德二年殿成垂拱四年以殿爲明堂開元二十七年於明堂造乾元殿毀上層改下層爲殿

褚無量傳開元中詔無

量等於乾元殿整北四部書蘇定方傳降都曼俘獻於

乾陽殿

玉海隋曰乾陽唐曰乾元明堂後改舍元

唐武成殿

賈半千傳高宗御武成殿調兵家有莊韓何

邪衆未能對半千進曰臣聞古者星宿孤虛天陣也山川
向背地陣也偏伍彌縫人陣也臣謂不然夫師以義出沛
若時雨得天之時爲天陣足食約費且耕且戰得地之利
爲地陣舉三軍士如子弟從父兄得人之和爲人陣舍是
則何以戰帝曰善

唐集賢殿

通鑑開元十三年上與中書門下及禮官學士

議於集仙殿上曰仙者憑虛之論朕所不取賢者濟理之
具今與卿曹合宴宜更名曰集賢

唐長壽殿

見上洛陽宮

唐仙居殿

見上洛陽宮

唐億歲殿

唐書崔神慶傳武后時待制億歲殿

玉海元

宗開元十五年閏九月億歲殿生芝草在東都

唐同明殿

薛訥傳突厥擾河北武后詔訥經略對同明殿

齊澣傳

太子還武后召澣宴同明殿曰朕母子如初卿

有力焉

唐德昌殿

見上洛陽宮

唐儀鸞殿

太宗實錄正觀十一年三月三日引五品已上

大射於儀鳳殿十八年十一月宴父老於儀鸞殿

唐洛城殿

方輿紀要洛城南門內曰洛城殿龍朔初與羣

臣外夷宴于洛城門武后載初二年策貢士于洛城殿或

以此爲夾城內別宮也

唐飲羽殿

見上洛陽宮

唐金華殿

〔陳子昂傳〕武后奇其才召見金華殿

〔玉海〕金

華殿在東都

唐含樞殿

〔狄仁傑傳〕武后時李楷固駱務整討契丹克之

獻俘含樞殿后舉酒屬仁傑賞其知人

〔玉海〕在東都

唐貞觀殿

〔玉海〕正觀十一年十一月宴五品已上及蕃夷

於正觀殿十八年日南至皇太子王公已下展賀正觀殿

唐端扈殿

〔會要〕神龍元年正月宗卽位於通天宮端扈

殿

〔玉海〕在東都

按則天純萬歲登封三年在神都復作明堂改曰通天宮神功元年置九闕于通天宮明堂卽乾元殿也通天宮卽紫微宮也故不別列通天宮而以端扈殿與乾元以下諸殿俱繫于洛陽紫微宮後又按武后垂拱四年改洛陽明堂爲萬象神宮永昌元年饗于萬象神宮亦通天宮之別名也

唐飛山宮

會要貞觀十一年正月十四日新作飛山宮

魏徵傳帝作飛山宮徵上疏諫於是唐明德元圃院賜遭水者

唐明德宮

太宗紀貞觀十一年三月如洛陽宮六月幸明德宮七月大雨水穀洛溢詔百官言事廢明德宮之元圃

院賜遭水家

玉海

高宗顯慶二年五月幸明德宮避暑

唐八關宮

會要顯慶五年四月八日於東都苑內造八關

京宮五月二十日改爲合璧宮

唐宿羽宮

高山宮

翠微宮

韋宏機傳

高宗言兩京我

東西宅然隋宮室日什將更作奈財用何宏機言臣任司
農十年省常費三十萬緡以治宮室可不勞而成帝大悅
詔兼將作少府二官督營繕初造宿羽高山等宮
方輿
紀要調露初于隋苑中作宿羽高山宮尋又作翠微宮凡
離宮亭館共一十四所

唐上陽宮

地理志

上陽宮在東都禁苑之東東接皇城之

西南隅上元中置高宗之季常居以聽政

六典

上陽宮

南臨洛水西拒穀水東面二門南曰提象門北曰星躔門

提象門內曰觀風門南曰浴日樓北曰七寶閣其內曰觀
風殿北曰化成院西南曰甘露殿東雙曜亭又西曰麟
趾殿東曰神和亭西曰洞元堂觀風之西曰本枝院又西
曰麗春殿東曰含蓮亭西曰芙蓉亭又西曰宜男亭北
曰芬芳亭其內曰芬芳殿宮之南面曰僊洛門又西曰通
仙門其內曰甘湯院次北東上曰玉京門門內北曰金闕
門南曰太初門玉京之西曰客省院蔭殿翰林院宮西曰
含露門玉京西北出曰仙桃門又西曰壽昌門門北出曰
元武門門內之東飛龍廡

唐觀風殿

〔玉海〕武后徙上陽宮帝率百官詣觀風殿問起

居 **方輿紀要** 上陽門殿皆東向正殿曰觀風

唐甘露殿

麟趾殿

麗春殿

芬芳殿

蔭殿

並見上陽宮

唐西上陽宮

兩京記 上陽宮西有西上陽宮

方輿紀要

上陽西隔穀水爲西上陽虹梁跨穀行幸往來皆高宗龍

朔後所置

按隋志河南桃林有上陽宮在今閿鄉或以爲卽唐西上陽不知唐之西上陽自在洛陽閿鄉乃隋上陽非唐之西上陽也

唐迎仙宮

李濂通志 唐建卽張柬之斬張易之昌宗處

唐長生殿

張廷珪傳 武后召見長生殿 **玉海注** 在東都

通鑑 張柬之遣詣東宮迎太子斬關而入斬易之昌宗於

廡下進至太后所寢長生殿

唐避暑殿

李濂通志在府城西北上店唐武后建

唐太微宮

玉海天寶二年加號混元皇帝爲大聖祖改西

京混元宮曰太清宮東京曰太微宮

五代梁文明殿

梁紀乾化元年九月朔御文明殿入閣

按梁紀注御殿而云入閣錄其本語以見禮失事在李琪列傳傳載明宗言唐故事天子日御見羣臣曰常參朔望薦食諸陵寢有思慕之心不能臨前殿則御便殿見羣臣曰入閣宣政前殿也謂之衙衙有伏紫宸便殿也謂之閣其不御前殿而御便殿也乃自正衙喚仗由閣門而入百官侍朝于衙者因隨以入見故謂之入閣然衙朝也其禮尊閣宴見也其事殺自乾符已後因亂禮缺天子不能日見羣臣而見朔望故正衙常日廢仗而朔望入閣有仗其後習見遂以入閣爲重至出御前殿猶謂之入閣其後亦廢至是而復然有司不能講正